



Pranimi / Dorezuar Priljena / Pristato Received / Delivered	20.09.2023	3	viti год year
Organ / Istitucia Organ / Ustanova Org / Unit	Nr Prot Br. Prot Prot No	Shtesa Prilog Appendix	Sasia Kolicina Quantity
SKPM/STK/	6176/2023		1/6



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1023/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj Demi, kryetare; Jeton Koca dhe Eshref Shabani, anëtarë; me Ardita Perçuku-Shyti, Zyrtare e lartë për bashkëpunim profesional, në cilësinë e procesmbajtëses, ka shqyrtuar ankesën A.nr.1023/2023, të datës 24.07.2023, të parashtruar nga ankuesit

kundër organit të punësimit Sekretariatit të Këshillit Gjyqësor të Kosovës, në çështjen juridike „kompensim material”, duke vepruar në pajtim me nenin 6, paragrafin 1, nën paragrafin 1; nenin 16, paragrafin 3 dhe nenin 18, paragrafin 1, nën paragrafin 1.6; të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, me datë 20.09.2023, mori këtë:

V E N D I M

- I. Shfuqizohet Vendimi KA.nr.16/2023, i datës 20.06.2023, i Komisionit për Zgjidhjen e Kontesteve dhe Ankesave të Sekretariatit të Këshillit Gjyqësor të Kosovës dhe *çështja kthehet në rishqyrtim dhe rivendosje* te organi i njëjtë.
- II. Obligohet Drejtori i Përgjithshëm i Sekretariatit të Këshillit Gjyqësor të Kosovës, që brenda afatit prej pesëmbëdhjetë (15) ditësh nga dita e pranimit të këtij vendimi, të ndërmarrë të gjithë veprimet e nevojshme me qëllim të zbatimit të këtij vendimi siç përcaktohet në I të dispozitivit.
- III. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Nëpunësit civilë

përmes Postës së Kosovës, kanë parashtruar ankesë në Këshillin e Pavarur Mbikëqyrës për Shërbimin Civil të Kosovës, e pranuar me datë 24.07.2023, kundër Vendimit me numër KA. nr.16/2023, të datës 20.06.2023, të Komisionit për Zgjidhjen e Kontesteve dhe Ankesave të Sekretariatit të Këshillit Gjyqësor të Kosovës, me pretendimet ankimore që vendimi i kundërshtuar nuk ka mbështetje ligjore dhe arsyeshmëri logjike. Kërkojnë

që Këshilli të aprovoj ankesën si të bazuar, të anuloj aktin e kundërshtuar me ankesë dhe ankuesve ti njihet e drejta e kompensimit në përputhje aktgjykimin e plotfuqishëm A.nr.2548/2018, përkatësisht kompensimi në mënyrë retroaktive i diferencës së koeficientit nga nëntë (9) në dymbëdhjetë (12) si dhe kompensimi, i kontributeve pensionale, detyrimeve tatimore dhe përvojës së punës, për periudhën nga data 30.06.2021 deri me datë 25.10.2022.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 27.07.2023 ka proceduar kërkesën për përgjigje në ankesë të Sekretariati i Këshillit Gjyqësor të Kosovës, ndërsa, ky i fundit, me datë 28.08.2023 ka përcjell përgjigjen në ankesë së bashku me shkresat e lëndës.

Kryetari i Këshillit të Pavarur Mbikëqyrës, bazuar në dispozitat e nenit 17 paragrafit 2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, me Vendimin me numër protokollit 5895/2023, të datës 30.08.2023, ka vazhduar afatin për vendimmarrje edhe për 10 ditë pune lidhur me ankesën A.nr.1023/2023 të datës 24.07.2023.

Kolegji për Shqyrtimin dhe Vendosjen e Ankesave për vendosje meritore ka administruar këto prova: Ankesën me numër protokollit 5334/2023 të datës 24.07.2023 të parashtruar nga grup ankuesish në Këshillin e Pavarur Mbikëqyrës për Shërbimin Civil të Kosovës; Autorizimin e grupit të ankuesve të datës 12.07.2023 për shoqërinë e avokatëve [redacted] Vendimin me numër protokollit 01/897 të datës 20.06.2023 të Komisionit për zgjedhjen e kontesteve dhe ankesave në Sekretariatit të Këshillit Gjyqësor të Kosovës; Ankesën ndaj heshtjes administrative të Këshillit Gjyqësor të Kosovës me numër protokollit 01/753 të datës 24.05.2023 të parashtruar nga Grupi i ankuesve përmes shoqërisë së avokatëve [redacted] në Komisionin për zgjedhjen e kontesteve dhe ankesave të Sekretariatit të Këshillit Gjyqësor të Kosovës; Kërkesën e përsëritur për nxjerrje të vendimit me numër protokollit 09/696 të datës 12.05.2023 të parashtruar nga grupi i ankuesve përmes shoqërisë së avokatëve [redacted] në Këshillin Gjyqësor të Kosovës; Kërkesën për nxjerrje të vendimit me numër protokollit 01/505 të datës 06.04.2023 të parashtruar nga Grupi i ankuesve përmes shoqërisë së avokatëve [redacted] në Këshillin Gjyqësor të Kosovës; Përgjigjen në kërkesë me numër protokollit 03/457 të datës 24.03.2023 të SKGJK-së; Kërkesën për përmbushje të detyrimit me numër protokollit 01/401 të datës 15.03.2023 të Grupit të ankuesve përmes shoqërisë së avokatëve [redacted] në Këshillin Gjyqësor të Kosovës; Vendimin me numër protokollit 03/2142 të datës 29.11.2022 të SKGJK-së; Vendimin me numër reference DS-1172/2022 të datës 29.11.2022 të SKGJK-së; Vendimin me numër protokollit 03/2143 të datës 29.11.2022 të SKGJK-së; Vendimin me numër protokollit 03/2139 të datës 29.11.2022 të SKGJK-së; Vendimin me numër protokollit 03/1754 të datës 29.11.2022 të SKGJK-së; Vendimin me numër protokollit 03/2138 të datës 29.11.2022 të SKGJK-së; Aktgjykimin A.nr.2548/18 të datës 29.09.2021 të Gjykatës Themelore Prishtinë; Aktvendimin A.nr.2548/18 të datës 06.10.2021 të Gjykatës Themelore në Prishtinë- Departamenti për Çështje Administrative; Aktgjykimin AA.nr.949/2021 të datës 07.06.2021 të Gjykatës së Apelit të Kosovës- Departamenti për Çështje Administrative; Aktgjykimin ARJ-UZVP.nr.66/2022 të datës 02.11.2022 të Gjykatës Supreme të Kosovës; Kërkesën për përgjigje në ankesë të datës 27.07.2023 të Këshillit të Pavarur Mbikëqyrës për Shërbimin Civil të Kosovës për Sekretariatit të Këshillit Gjyqësor të Kosovës; Përgjigjen në ankesë me numër protokollit 1023 /2023 të datës 28.08.2023 të Sekretariatit të Këshillit Gjyqësor të Kosovës për Këshillin e Pavarur Mbikëqyrës për Shërbimin Civil të Kosovës; Kërkesën për përmbushje të detyrimit nga Akt gjykimi A.nr.2548/2018 të datës 09.09.2021 të protokolluar me numër 09/2087 të datës 15.11.2022, të parashtruar nga Grupi ankuesish përmes shoqërisë së avokatëve [redacted]

Aktgjykimin A.nr.2548/18 të datës 29.09.2021 të Gjykatës Themelore në Prishtinë-
Departamenti për Çështje Administrative; Autorizimin e grupit të ankuesve të datës 07.06.2021 për
shoqërinë e avokatëve [redacted] Tabelën e datës 20.06.2023; 6 Fletë dërgesat e datës
20.06.2023; E-mailin e datës 28.08.2023 të dërguar nga F.K për A.P-SH; Flet pagesën e lëshuar nga
Buxheti i Republikës së Kosovës për N.V të periudhës 01.12.2022-31.12.2022; Flet pagesën e lëshuar
nga Buxheti i Republikës së Kosovës për N.V të periudhës 01.01.2023-31.01.2023; Flet pagesën e
lëshuar nga Buxheti i Republikës së Kosovës për V.L të periudhës 01.12.2022-31.12.2022; Flet
pagesën e lëshuar nga Buxheti i Republikës së Kosovës për V.L të periudhës 01.01.2023-31.01.2023;
Flet pagesën e lëshuar nga Buxheti i Republikës së Kosovës për B.N të periudhës 01.12.2022-
31.12.2022; Flet pagesën e lëshuar nga Buxheti i Republikës së Kosovës për B.N të periudhës
01.01.2023-31.01.2023; Flet pagesën e lëshuar nga Buxheti i Republikës së Kosovës për H.N të
periudhës 01.12.2022-31.12.2022; Fletë pagesën e lëshuar nga Buxheti i Republikës së Kosovës për
H.N të periudhës 01.01.2023-31.01.2023; Fletë pagesën e lëshuar nga Buxheti i Republikës së
Kosovës për V.K të periudhës 01.12.2022-31.12.2022; Flet pagesën e lëshuar nga Buxheti i
Republikës së Kosovës për V.K të periudhës 01.01.2023-31.01.2023; Flet pagesën e lëshuar nga
Buxheti i Republikës së Kosovës për B.K të periudhës 01.12.2023-31.12.2023; Flet pagesën e lëshuar
nga Buxheti i Republikës së Kosovës për B.K të periudhës 01.01.2023-31.01.2023; Flet pagesën e
lëshuar nga Buxheti i Republikës së Kosovës për A.H të periudhës 01.12.2023-31.12.2023; Flet
pagesën e lëshuar nga Buxheti i Republikës së Kosovës për A.H të periudhës 01.01.2023-31.01.2023;
Akt emërimit me numër reference GJA.nr.54/17 të datës 01.03.2017 të ankuesit [redacted] Akt
emërimit me numër reference Agj.I.nr.72/2016 të datës 06.05.2016 të ankuesit [redacted]
Akt emërimit e ankuesit [redacted] të datës 01.09.2017; Akt emërimit me numër GJA.226/17 të
datës 31.05.2017 të ankuesit [redacted] Akt emërimit me numër reference 385/2019 të datës
02.12.2019 të ankueses Valerina Kurti; Akt emërimit me numër reference GJ.A 152/2016 të datës
16.05.2016 të ankuesit [redacted] Akt emërimit me numër reference GJ.A.501/2016 të datës
14.09.2016 të ankueses [redacted]

Kolegji për Shqyrtimin dhe Vendosjen e Ankesave pasi ka shqyrtuar dhe analizuar shkresat e
lëndës një nga një dhe të gjitha së bashku ka konstatuar që *çështja të kthehet në rishqyrtim dhe
rivendosje tek organi kompetent në këtë rast Komisioni për Zgjidhjen e Kontesteve dhe Ankesave
të Sekretariatit të Këshillit Gjyqësor të Kosovës , sepse:*

Nga analizimi i shkresave të lëndës rrjedhë se ankuesit si në dispozitiv të këtij vendimi janë të
punësuar në Sekretariatit e Këshillit Gjyqësor të Kosovës (me tej referuar SKGJK) dhe atë; ankuesi
[redacted] sipas Akt emërimit me numër reference GJA.nr.54/17, të datës 01.03.2017, ushtron
pozitën Zyrtar certifikues në Gjykatën Themelore në Mitrovicë; ankuesi [redacted] sipas
Akt emërimit Agj.I.nr.72/2016, të datës 06.05.2016, ushtron pozitën Zyrtar certifikues në Gjykatën
Themelore në Gjakovë; ankuesi [redacted] sipas Akt emërimit të datës 01.09.2017, ushtron
pozitën Certifikues në Gjykatën Themelore në Prishtinë; ankuesi [redacted] sipas Akt emërimit
GJ.A.226/17, të datës 31.05.2017, ushtron pozitën Zyrtar certifikues në Gjykatën Themelore në
Ferizaj; ankuesja [redacted] sipas Akt emërimit me numër 385/2019, të datës 02.12.2019,
ushtron pozitën Zyrtar certifikues në Gjykatën Themelore në Gjilan; ankuesi [redacted]
sipas Akt emërimit GJ.A.152/2016, të datës 16.05.2016, ushtron pozitën Zyrtar certifikues në
Gjykatën Themelore në Pejë si dhe ankuesja [redacted] sipas Akt emërimit GJ.A.501/2016,
të datës 14.09.2016 ushtron pozitën zyrtar certifikues në Gjykatën Supreme të Kosovës.

Lidhur me objektin e shqyrtimit të kësaj lënde, Kolegji nga provat e lëndës ka gjetur se më datë 09.09.2021 Gjykata Themelore në Prishtinë-Departamenti për Çështje Administrative, ka nxjerrë Aktgjykimin me numër A.nr.2548/18, sipas të cilit kishte aprovuar si të bazuar kërkesëpaditë e paditësve (ankuesve), me ç' rast kishte anuluar Vendimin A.nr.484/2018, të datës 18.09.201, të Këshillit të Pavarur Mbikëqyrës për Shërbimin Civil të Kosovës, si dhe kishte detyruar Këshillin Gjyqësor të Kosovës, që ankuesve ti njoh të drejtën e harmonizimit të koeficientit sipas Vendimit nr.366/2017, të datës 27.11.2017, si dhe të bëjë kompensimin e dëmit material për shumën e munguar për periudhën nga data 27.12.2017 deri me datë 30.06.2021.

Duke vepruar në procedurë sipas mjeteve juridike, me Aktgjykimin AA.nr.949/2021 të datës 07.06.2022, të Gjykatës së Apelit, është vërtetuar si i drejtë Aktgjykimi me numër A.nr.2548/18, ndërsa, me Aktgjykimin ARJ-UZVP-nr.66/2022 të datës 25.10.2022, të Gjykatës Supreme, është refuzuar kërkesa e Këshillit Gjyqësor të Kosovës, për rishqyrtim të jashtëzakonshëm të vendimit gjyqësor.

Drejtori i Përgjithshëm i Sekretariatit të Këshillit Gjyqësor të Kosovës, në zbatim të vendimeve gjyqësore të specifikuar si më lartë, me Vendimin me reference: DS-1170/2022 të datës 29.11.2022, ankueses [redacted] i ka njohur të drejtën e harmonizimit të koeficientit të pagës nga nëntë (9), në dymbëdhjetë (12), në pozitën Zyrtar certifikues në Gjykatën Supreme të Kosovës dhe kompensimi në shumën e përgjithshme prej 7,674.85 euro bruto, nga e cila shumë mbulohen pagesat e trustit pensional dhe tatimit në të ardhura në shumën e specifikuar si në aktgjykimin A.nr.2548/2018, për periudhën prej datës 27.12.2017 deri më 30.06.2021; me Vendimin me numër reference DS-1172/2022, të datës 29.11.2022, ankueses [redacted] i është njohur e drejta e harmonizimit të koeficientit të pagës nga koeficienti nga nëntë (9) në dymbëdhjetë (12), në pozitën Zyrtar certifikues në Gjykatën Themelore në Gjilan, dhe kompensimi në shumën e përgjithshme prej 7,674.85 euro bruto, nga e cila shumë mbulohen pagesat e trustit pensional dhe tatimit në të ardhura në shumën e specifikuar si në aktgjykimin A.nr.2548/2018, për periudhën prej datës 27.12.2017 deri më 30.06.2021; me Vendimin me numër reference DS-1175/2022, të datës 29.11.2022, ankuesit [redacted] i është njohur e drejta e harmonizimit të koeficientit të pagës nga nëntë (9), në dymbëdhjetë (12), në pozitën Zyrtar certifikues në Gjykatën Themelore në Pejë, dhe kompensimi në shumën e përgjithshme prej 7,674.85 euro bruto, nga e cila shumë mbulohen pagesat e trustit pensional dhe tatimit në të ardhura në shumën e specifikuar si në aktgjykimin A.nr.2548/2018, për periudhën prej datës 27.12.2017 deri më 30.06.2021; me Vendimin me numër reference DS-1176/2022, të datës 29.11.2022, ankuesit [redacted] i është njohur e drejta e harmonizimit të koeficientit të pagës nga nëntë (9), në dymbëdhjetë (12), në pozitën Zyrtar certifikues në Gjykatën Themelore në Mitrovicë dhe kompensimi në shumën e përgjithshme prej 7,674.85 euro bruto, nga e cila shumë mbulohen pagesat e trustit pensional dhe tatimit në të ardhura në shumën e specifikuar si në aktgjykimin A.nr.2548/2018, për periudhën prej datës 27.12.2017 deri më 30.06.2021; me Vendimin me numër reference DS-1171/2022, të datës 29.11.2022, ankuesit [redacted] i është njohur e drejta e harmonizimit të koeficientit të pagës nga nëntë (9) në dymbëdhjetë (12), në pozitën Zyrtar certifikues në Gjykatën Themelore në Prishtinë dhe kompensimi në shumën e përgjithshme prej 7,674.85 euro bruto, nga e cila shumë mbulohen pagesat e trustit pensional dhe tatimit në të ardhura në shumën e specifikuar si në aktgjykimin A.nr.2548/2018, për periudhën prej datës 27.12.2017 deri më 30.06.2021, me Vendimin me numër reference DS-1174/2022, të datës 29.11.2022, ankuesit [redacted] i është njohur e drejta e harmonizimit të koeficientit të pagës nga nëntë (9) në dymbëdhjetë (12), në pozitën Zyrtar certifikues në Gjykatën Themelore në Ferizaj dhe kompensimi në shumën e përgjithshme prej

7,674.85 euro bruto, nga e cila shumë mbulohen pagesat e trustit pensional dhe tatimit në të ardhura në shumën e specifikuar si në aktgjykimin A.nr.2548/2018, për periudhën prej datës 27.12.2017 deri më 30.06.2021; me Vendimin me numër reference DS-1173/2022, të datës 29.11.2022, ankuesit [redacted] i është njohur e drejta e harmonizimit të koeficientit të pagës nga nëntë (9) në dymbëdhjetë (12), në pozitën Zyrtar certifikues në Gjykatën Themelore në Gjakovë dhe kompensimi në shumën e përgjithshme prej 7,674.85 euro bruto, nga e cila shumë mbulohen pagesat e trustit pensional dhe tatimit në të ardhura në shumën e specifikuar në aktgjykimin A.nr.2548/2018, për periudhën prej datës 27.12.2017 deri më 30.06.2021.

Tutje, nga shkresat e lëndës rezulton së ankuesit më datë 15.03.2023, 06.04.2023, dhe 12.05.2023, përmes përfaqësuesit me autorizim, kanë parashtruar kërkesë për njohjen e kompensimit të diferencës së koeficientit nga 9 nëntë (9) në dymbëdhjetë (12) dhe atë në mënyrë retroaktive nga data 30.06.2021 deri me datë 25.10.2022, përfshirë edhe pagesën e trustit pensional dhe tatimin në të ardhura personale. Ndërsa, Organi i punësimit gjegjësisht Udhëheqësi i Njesisë së Burimeve Njerëzore të SKGJK-së, përmes përgjigjes së datës 24.03.2023 ka njoftuar ankuesit se KGJK-ja në plotëni ka përmbushur detyrimet sipas Aktgjykimit A.nr.2548/18, të datës 09.09.2021, të Gjykatës Themelore në Prishtinë-Departamenti për Çështje Administrative.

Ankuesit, me datën 24.05.2023, kanë parashtruar ankesë pranë Komisionit për Zgjidhjen e Kontesteve dhe Ankesave të SKGJK-së, po me bazë të njëjtë ankimore, kurse, ky i fundit me Vendimin KA.nr.16/2023, të datës 20.06.2023, ka refuzuar ankesën e ankuesve si të pa bazuar.

Kolegji i Këshillit në funksion të shqyrtimit të pretendimeve ankimore ka analizuar Vendimin e kundërshtuar më ankesë dhe si rrjedhojë ka gjetur se Komisioni për Zgjidhjen e Kontesteve dhe Ankesave të SKGJK-së, duke vendosur sipas ankesës së ankuesve të datës 24.05.2023, ka konstatuar se janë të pabazuara pretendimet ankimore të ankuesve, për faktin se SKGJK-ja ka përmbushur detyrimet sipas vendimeve gjyqësore, dhe si rrjedhojë kompensimi i përvojës së punës sa i përket diferencës së koeficientit nga nëntë (9) në dymbëdhjetë (12), për periudhën nga 27.12.2017 deri më 25.10.2022, nuk konsiderohet objekt shqyrtimi, sepse një kërkesë e tillë nuk ka qenë objekt shqyrtimi as në shqyrtimet gjyqësore, përkatësisht Aktgjykimin e plotfuqishëm A.nr.25448/28 të datës 06.10.2021. Mirëpo, në vlerësimin e Kolegjit të Këshillit, Komisioni për Zgjidhjen e Kontesteve dhe Ankesave të SKGJK-së, me rastin e vendosjes së ankesës së datës 24.05.2023, ka dështuar në vlerësimin e kërkesave të pranueshmerinë së ankesës siç përcaktohet me nenin 129 të Ligjit Nr.05/L-031 për Procedurën e Përgjithshme Administrative me të cilin përshihet se: *1. Ankesa është e pranueshme nëse i plotëson këto kushte: 1.1. nuk është përjashtuar shprehimisht nga ligji; 1.2. ankuesi ka legjitimitet në përputhje me nenin 124 të këtij Ligji; 1.3. ajo është parashtruar brenda afatit të parashikuar nga neni 127 i këtij ligji, dhe 1.4. çfarëdo kushte të tjera të parashikuara shprehimisht në ligj, si dhe nenin 127 të të njëjtit ligj me të cilin përcaktohet se: "1. Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ...",* rrjedhimisht, në këtë kontekst, Kolegji bazuar në provat materiale të kësaj çështje administrative ka konstatuar se ankuesit veç e veç kanë pranuar nga organi i punësimit, vendimet e datës 29.11.2022, për harmonizimin e koeficientit të pagës për pozitën e Zyrtarit Certifikues dhe të njëjtit kanë qenë në dijeni të faktit se e drejta e harmonizimit të koeficientit të pagës nga nëntë (9) në dymbëdhjetë (12) i'u është njohur vetëm për periudhën kohore nga data 27.12.2017 deri me datë 30.06.2021, ndërsa deri me datë 15.03.2023, ankuesit nuk kanë ndërmarr asnjë veprim juridik për të kundërshtuar ligjshmërinë e këtyre vendimeve mbi bazën e pretendimeve si në ankesë, kështu që mbi ekzistimin e këtyre rrethanave, Kolegji i Këshillit vlerëson që lënda të kthehet në rishqyrtim dhe rivendosje tek Komisioni për Zgjidhjen e Kontesteve dhe Ankesave të Sekretariatit të Këshillit Gjyqësor të

Kosovës, me detyrimin që i njëjti të ri shqyrtoj ankesën e palëve ankuese të datës 25.04.2023 dhe të nxjerrë vendim në pajtim me legjislacionin në fuqi, duke marrë parasysh pikëpamjet juridike si në arsyetimin e këtij vendimi.

Theksuar si më sipër, e në mbështetje të nenit 18 paragrafin 1 nën paragrafin 1.6 të Ligjit Nr.06/L-048 për Këshillin e Pavarur Mbiqyrës për Shërbimin Civil të Kosovës, Kolegji i Këshillit vendosi si në dispozitiv të këtij vendimi.

Këshillë juridike: Vendimi hyn në fuqi ditën e nënshkrimit nga Kryetarja e Kolegjit. Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIQYRËS PËR SHËRBIMIN CIVIL TË KOSOVËS

Lënda me numër A.nr.1023/2023.

Ardita Përçuka-Shyti

Procesmbajtëse

Ardita Haxhnikaj-Deçi

Kryetare e Kolegjit



Vendimi i dërgohet:

- Përfaqësuesve me autorizim të ankuesve [REDACTED]
- Drejtorit të Përgjithshëm të SKGJK-së;
- Udhëheqësit të Njesisë së Burimeve Njerëzore të SKGJK-së dhe
- Arkivit të KPMSHCK-së.